

REGIONAL

NEWS UNIT

ALL INDIA RADIO, AGARTALA

Date: 28-03-2024

Time: 07.35-07.40 AM Hrs

BENGALI MORNING BULLETIN

ECI :

লোকসভা নির্বাচনের দ্বিতীয় পর্যায়ের বিজ্ঞপ্তি আজ জারি হবে। এই পর্বে ১২টি রাজ্য ও কেন্দ্রশাসিত অঞ্চলের ৮৮টি লোকসভা আসনের পাশাপাশি আউটার মণিপুর লোকসভা আসনের ১৩টি বিধানসভা ক্ষেত্রে আগামী ২৬শে এপ্রিল ভোট গ্রহণ করা হবে। কেরলের ২০টি আসন, কর্ণাটকের ১৪টি আসন, রাজস্থানের ১৩টি আসন, উত্তরপ্রদেশ ও মহারাষ্ট্রের আটটি আসন, মধ্যপ্রদেশের সাতটি আসন, আসাম ও বিহারে পাঁচটি আসন, পশ্চিমবঙ্গ ও ছত্তিশগড়ের তিনটি করে আসন এবং মণিপুর, ত্রিপুরা এবং জম্মু ও কাশ্মীরে একটি করে আসনের এই দ্বিতীয় দফায় ভোট হবে।

মনোনয়নপত্র দাখিল করা যাবে চৌঠা এপ্রিল পর্যন্ত। এই পর্বের ভোট হবে ২৬শে এপ্রিল। জম্মু ও কাশ্মীর বাদে সমস্ত রাজ্য ও কেন্দ্রশাসিত অঞ্চলের মনোনয়নপত্র পরীক্ষা করা হবে ৫ই এপ্রিল। জম্মু ও কাশ্মীরে পরীক্ষা করা হবে ৬ই এপ্রিল।

East Nomination :

লোকসভা নির্বাচনে পূর্ব ত্রিপুরা আসনের বিজেপি মনোনীত প্রার্থী মহারানী কৃতি সিং দেবর্মা আজ দুপুরে ধলাই জেলা শাসক কার্যালয়ে মনোনয়ন পত্র জমা দেবেন। এদিকে, ইন্ডিয়া ব্লকের সি পি আই এম মনোনীত প্রার্থী রাজেন্দ্র রিয়াং আগামী ১লা এপ্রিল মনোনয়ন পত্র জমা দেবেন বলে গতকাল এক সাংবাদিক সম্মেলনে জানিয়েছেন বিরোধী দলনেতা তথা সিপি আই এম রাজ্য সম্পাদক জিতেন্দ্র চৌধুরী।

Nomination, 1st phase :

লোকসভা নির্বাচনের প্রথম দফার মনোনয়ন পত্র জমা নেওয়ার কাজ গতকাল শেষ হয়েছে। তবে, বিহারে, মনোনয়নপত্র জমা দেবার শেষ দিন আজ। প্রথম পর্যায়ে ১৭টি রাজ্য এবং চারটি কেন্দ্রশাসিত অঞ্চলের ১০২টি লোকসভা আসনে নির্বাচন অনুষ্ঠিত হবে। তামিলনাড়ুর ৩৯টি আসন, রাজস্থানের ১২টি আসন, উত্তর প্রদেশের ৮টি আসন, মধ্যপ্রদেশের ৬টি আসন, উত্তরাখন্ড, আসাম ও মহারাষ্ট্রের ৫টি করে আসন, বিহারের চারটি আসন, পশ্চিমবঙ্গের তিনটি আসন, অরুণাচল প্রদেশের দুটি করে আসন। মণিপুর, মেঘালয় এবং ছত্তিশগড়, মিজোরাম, নাগাল্যান্ড, সিকিম, ত্রিপুরা, আন্দামান ও নিকোবর দ্বীপপুঞ্জ,

জম্মু ও কাশ্মীর, লাক্ষাদ্বীপ এবং পুদুচেরির একটি করে আসনে প্রথম দফায় ভোট হবে।

আজ মনোনয়নপত্র পরীক্ষা করা হবে এবং মনোনয়ন পত্র প্রত্যাহারের শেষ তারিখ ৩০শে মার্চ। বিহারে, এই মাসের ৩০ তারিখে মনোনয়ন পত্র পরীক্ষা করা হবে এবং মনোনয়ন পত্র প্রত্যাহারের শেষ তারিখ দোসরা এপ্রিল। ১৯শে এপ্রিল ভোটগ্রহণ অনুষ্ঠিত হবে।

Election in charge-BJP :

ভারতীয় জনতা পার্টির সর্বভারতীয় সভাপতি জে পি নাড্ডা লোকসভা নির্বাচনের জন্য কয়েকটি রাজ্যের নির্বাচন প্রভারী ও সহ প্রভারীর নাম ঘোষণা করেছেন। এর মধ্যে ত্রিপুরায় নির্বাচনী প্রভারী হয়েছেন অবিনাশ রায় খান্না ও সহ প্রভারী হয়েছেন সঞ্জীব চৌরাশিয়া। গতকাল এই তালিকা প্রকাশ করা হয়। মুখ্যমন্ত্রী অধ্যাপক ডাঃ মানিক সাহা ত্রিপুরার নির্বাচন প্রভারী হওয়ায় শ্রী খান্নাকে অভিনন্দন জানিয়েছেন।

Nomination :

পশ্চিম ত্ৰিপুৱাৰ লোকসভা আসনেৰ নিৰ্বাচন ও ৰামনগৰ বিধানসভা উপনিৰ্বাচনে মনোনয়নপত্ৰ গ্ৰহনেৰ কাজ গতকাল শেষ হযেছে। আজ মনোনয়নপত্ৰগুলি পৰীক্ষা কৰা হবে। মনোনয়নপত্ৰ প্ৰত্যাহাৰেৰ শেষ তাৰিখ ৩০শে মাৰ্চ। মনোনয়নপত্ৰ জমা দেওয়ার শেষ দিনে বিজেপি প্ৰাৰ্থী বিপ্লব কুমাৰ দেব ও ইন্ডিয়া জোট সমৰ্থিত কংগ্ৰেস প্ৰাৰ্থী আশিস কুমাৰ সাহা পশ্চিম আসনেৰ ৱিটাৰ্নিং অফিসাৰ ডাক্তাৰ বিশাল কুমাৰেৰ কাছে মনোনয়নপত্ৰ জমা দিয়েছেন। এই আসনে ইতিপূৰ্বে মনোনয়ন জমা দেন বহুজন মুক্তি পাৰ্টিৰ প্ৰাৰ্থী ব্ৰজলাল দেবনাথ, ৱিপাবলিকান পাৰ্টি অফ ইন্ডিয়া (আথাওয়ালে) দলেৰ প্ৰাৰ্থী আইনজীবী অৰ্ণব ৱায়, এস ইউ সি আই (সি) ৱ অৰুণ ভৌমিক, আমৰা বাঙালীৰ গৌৰী শংকৰ নন্দী, ও নিৰ্দল প্ৰাৰ্থী মিলন পদ মুড়া সিং, ৱমেন্দ্ৰ ৱিয়াং ও বলৰাম দেববৰ্মা।

Deepak Majumder Nomination :

ৰামনগৰ বিধানসভা কেন্দ্ৰেৰ উপনিৰ্বাচনেৰ বিজেপি প্ৰাৰ্থী দীপক মজুমদাৰ গতকাল ৱিটাৰ্নিং অফিসাৰ বিপুল দাসেৰ কাছে মনোনয়ন পত্ৰ জমা দেন। সেই সময় উপস্থিত ছিলেন দলেৰ প্ৰদেশ সহ সভানেত্ৰী পাপিয়া দত্ত, সংখ্যালঘু মোৰ্চাৰ নেতা জসিমুদ্দিন প্ৰমুখ। মনোনয়ন পত্ৰ জমা দিতে যাওয়ার আগে শ্ৰী

মজুমদার বলেন, দল তাঁর উপর যে আস্থা রেখেছে, তার মর্যাদা তিনি রাখতে সর্বদা চেষ্টা করবেন।

Cuet ug entrance :

লোকসভা ভোটের পরিপ্রেক্ষিতে স্নাতক স্তরের কমন ইউনিভার্সিটি এন্ট্রান্স পরীক্ষার জন্য আবেদনের সময়সীমা বাড়ানো হয়েছে। ২৬ মার্চের পরিবর্তে ৩১ মার্চ পর্যন্ত আবেদন করা যাবে। ইউনিভার্সিটি গ্রান্টস কমিশনের চেয়ারম্যান এম জগদীশ কুমার এসংবাদ জানিয়েছেন।

Traning of polling personal-Karbook :

পূর্ব ত্রিপুরা লোকসভা আসনের অন্তর্গত করবুক মহকুমার করবুক বিধানসভা নির্বাচনী ক্ষেত্রে নির্বাচনের কাজে প্রিসাইডিং অফিসার এবং প্রথম পোলিং অফিসার হিসেবে নিযুক্ত ভোটকর্মীদের নিয়ে প্রথম পর্যায়ের নির্বাচনী মহড়া গতকাল অনুষ্ঠিত হয়। করবুক মাল্টিপারপাস হল এবং করবুক মহকুমা শাসকের কনফারেন্স হলে আয়োজিত নির্বাচনী মহড়ায় উপস্থিত ছিলেন সহকারি

রিটার্নিং অফিসার তথা করবুক মহকুমার মহকুমা শাসক পার্থ দাস। নির্বাচনী মহড়ায় ৪২ জন প্রিসাইডিং অফিসার ও ৯৭ জন প্রথম পোলিং অফিসার হিসেবে নিযুক্ত ভোটকর্মী অংশগ্রহণ করেন।

Workshop :

রাজ্য শিল্প ও বাণিজ্য দপ্তরের উদ্যোগে এবং ত্রিপুরা ইনস্টিটিউশন ফর ট্রান্সফরমেশন-এর সহায়তায় "বিজনেস রিফর্মস অ্যাকশন প্ল্যান-2024" শীর্ষক এক কর্মশালা রাজধানীর প্রজ্ঞা ভবনে শুরু হয়েছে। দুদিনের এই কর্মশালার উদ্বোধন করে মুখ্যসচিব জে,কে সিনহা রাজ্যে ব্যবসা ও শিল্প স্থাপনে যারা উদ্যোগী হচ্ছেন তাদের সর্বোত্তমভাবে সহায়তা করার জন্য সংশ্লিষ্ট সরকারী দপ্তরগুলির প্রতি আহ্বান জানিয়েছেন।

Super Division :

টিসিএ পরিচালিত ঘরোয়া সুপার ডিভিশন লিগ ক্রিকেট প্রতিযোগিতার দুটি খেলায় গতকাল ব্লাডমাউথ ক্লাব ও সংহতি ক্লাব জয়লাভ করেছে। নরসিংগড়ের পিটিএ মাঠে অনুষ্ঠিত খেলায়

সংহতি ক্লাব ৪ উইকেটে জয়নগর ক্রিকেট ক্লাবকে এবং টিআইটি মাঠে ব্লাডমাউথ ক্লাব ৭ উইকেটে ইউনাইটেড ফ্রেন্ডসকে পরাজিত করে।

Weather :

আজ আকাশ আংশিক মেঘাচ্ছন্ন থাকবে। কিছু কিছু জায়গায় হালকা বৃষ্টিপাতের সম্ভাবনা রয়েছে। তাপমাত্রা সর্বোচ্চ ৩৩ ডিগ্রী এবং সর্বনিম্ন ২২ ডিগ্রী সেলসিয়াস এর কাছাকাছি থাকবে। আজ ভোরের সর্বনিম্ন তাপমাত্রা ছিল ১৮.৩ ডিগ্রী সেলসিয়াস। আগামী চব্বিশ ঘণ্টায় রাজ্যের বেশ কটি জেলায় বিক্ষিপ্ত ভাবে বজ্র বিদ্যুত সহ হালকা থেকে মাঝারি পর্যায়ে বৃষ্টিপাতের সতর্কতা জারি করেছে আবহাওয়া দপ্তর।
